

京師圖書館

聖賢高士傳贊目錄

卷上

廣成子

襄城童

巢父

許由二則

善卷

子支伯

子州友父

壤父

石戶之農

伯成子高

卞隨務光

被表公

小臣稷

絳父楚老

商容

涓子

關令尹喜

庚市子



項橐

榮啓期

太公任

卷中

延陵季子

長沮桀溺

荷蓀丈人

狂接輿

原憲

范蠡

亥唐

周豐

顏閻

市南宜僚

屠羊說

漢陰丈人

莊周

段干木

魯連

顏歆

校對官

寫官

京師圖書館

閻邱先生

卷下

於陵仲子

田生

司馬季主

司馬相如

班嗣

韓福

安邱望之二則

蔣詡

逢貞

薛方

龔勝

王君公

孔休二則

向長禽慶

逢萌條房李雲王尊

井丹


鄭仲虞

臺終

校對官

寫官

國家圖書館, NATIONAL CENTRAL LIBRARY, TAIWAN, R.O.C.



聖賢高士傳贊卷上

魏中散大夫譙國嵇康叔夜著

廣成子

襄城童

巢父

許由二則

善卷

子支伯

子州友父

壤父

石戶之農

伯成子高

卞隨務光

被裘公

小臣繆


絳父楚老

商容

涓子

關令尹喜

庚市子



國家圖書館, NATIONAL CENTRAL LIBRARY, TAIWAN, R.O.C.

項橐

榮啓期

太公任

廣成子

廣成子在崆峒之上黃帝問曰吾欲取天地之精以養萬物為之奈何廣成子蹶然而起曰至道之精窈窕冥冥無視無聽抱神以靜我守其一以處其和故千二百歲而形未嘗衰得吾道者上為皇下為王失吾道者上見光而下為土吾將去汝入無窮之閒遊無極之野與日月參光與天地為常

藝文類聚三十六

襄城童

黃帝將見大隗於具茨之山方明為御昌寓參乘黃帝曰

校對官

寫官

京師圖書館

異哉請問天下小童曰予少遊六合之外適有瞽病有長者教予乘曰車遊於襄城之野今病少損將復六合之外為天下者予奚事焉夫為天下亦奚異牧馬哉去其害馬而已黃帝再拜稱天師而還其贊曰奇矣難測襄城小童倦遊六合來憇茲邦

水經注曰黃帝嘗過牧童於襄城之野故嵇叔夜贊云云

藝文類聚三十六嵇中散集

巢父

巢父堯時隱人年老以樹為巢而寢其上故人號為巢父堯之讓許由也由以告巢父巢父曰汝何不隱汝形藏汝先非吾友也乃擊其膺而下之許由悵然不自得乃遇清泠之水洗其耳拭其目曰嚮者聞言負吾友遂去終身不

相見藝文類聚三十六

許由

許由字武仲堯舜皆師之與鬻缺論堯而去隱乎沛澤之中堯舜乃致天而讓焉曰十日並出而熾火不息其光也不亦難乎夫子為天子則天下治我由尸之吾自視缺然許由曰吾將為名乎名者實之賓吾將為賓乎乃去宿於逆表之家旦而遺其皮冠巢父聞由為堯所讓以為汙乃臨池水而洗其耳池主怒曰何以汙我水由乃退而遊耕於中岳潁水之陽箕山之下藝文類聚三十六讚曰許由養神宅於基阿德真體全擇日登遐太平御覽五十六善卷

校對官

寫官

京師圖書館

善卷者古之賢人也舜以天下讓之善卷善卷曰予立宇宙之中冬則衣皮毛夏則衣絺葛日出而作日入而息逍遙天地之間何以天下為哉遂入深山莫知其所終藝文類聚三十六

三十六 太平御覽二十六 八百十九 事類冬賦註

子支伯

子支伯者舜以天下讓支伯支伯曰子適有幽憂之病方且治之未暇治天下也遂不知所之藝文類聚三十六

子州友父

子州友父者堯舜各以天下讓友父友父曰我適有勞憂之病方治之未暇在天下也太平御覽五百九

壤父

壤父者堯時人年五十而擊壤於道中觀者曰大哉帝之德也壤父曰吾日出而作日入而息鑿井而飲耕田而食帝何德於我哉

藝文類聚三十六

石戶之農

石戶之農不知何許人與舜為友舜以天下讓之石戶夫負妻戴攜子以入海終身不返

藝文類聚三十九太平御覽五百九

伯成子高

伯成子高者不知何許人也唐虞之時為諸侯至禹復去而耕禹往趨而問之曰昔堯治天下吾子立為諸侯堯授舜舜授子吾子去而耕敢問其故何耶子高曰昔堯治天下至公無私不賞而民勸不罰而民畏今子賞而不勸罰

校對官

寫官

京師圖書館

而不畏德自此衰刑自此作天子蓋行無留落

一作吾事俚

侃然

一作侃

遂復耕而不顧

藝文類聚三十六太平御覽五百九

卞隨務光

卞隨務光者不知何許人湯將伐桀因卞隨而謀曰非吾事也湯遂伐桀以天下讓隨隨曰后之伐桀謀於我必以我為賊也而又讓我必以我為貪也吾不忍聞乃自投桐水又讓務光光曰廢上非義殺民非仁無道之世不踐其土況於尊我哉乃抱石而沈廬水

太平御覽五百九

被表公

被表公者吳人也延陵季子出遊見道中有遺金顧而觀之謂公曰取彼金公投鏃瞋目拂手而言曰何子居之高

而視之卑五月披裘而負薪豈取遺金者哉季子大驚既謝而問其姓名公曰吾子皮相之士而何一作安足語姓名哉藝文類聚三十六太平御覽二十二

小臣稷

小臣稷者齊人抗厲希古桓公三往而不得見公曰吾聞士不輕爵祿無以易萬乘之主萬乘之主不好仁義無以下布衣之士於是五往乃得見焉太平御覽五百九

絳父楚老

高士傳贊云二叟隱德容身不求名利避遠亂害安於賤役史通卷六浮詞篇六

商容

校對官

寫官

京師圖書館

商容不知何許人也有疾老子問之曰先生無遺教以告弟子乎容曰將語子過故鄉而下車知之乎老子曰非謂不忘故耶容曰過喬木而趨知之乎老子曰非謂其敬老耶容張口曰吾舌存乎曰存吾齒存乎曰亡知之乎老子曰非為剛亡而弱存乎商容曰嘻天下事盡矣藝文類聚三十四太平御覽五百九

涓子

涓子齊人餌朮服食甚精至三百年後釣於河澤得鯉魚中符後隱於巖石山能致風雨告伯陽九仙法淮南王少得其文不能解其旨太平御覽五百九

關令尹喜

關令尹喜州大夫也善內學星辰服食老子西遊喜先見
氣物色遮之果得老子老子為著書因與老子俱之流沙
西服巨勝實莫知所終太平御覽
五百九

庚市子

庚市子者聖人之無欲者也見人爭財而訟推千金之璧
於其旁而訟者息太平御覽
五百九

項橐

孔子問項橐曰居何在曰萬流屋是也注曰言與萬物同
流匹也文選顏延之皇太子
釋奠會作詩注

榮啟期

榮啟期者不知何許人也披裘帶索鼓琴而歌孔子曰先

校對官

寫官

京師圖書館

生何樂也對曰天生萬物唯人為貴吾得為人是一樂也
以男為貴吾得為男二樂也人生有不免於襁褓吾行年
九十五矣是三樂也貧者士之常死者民之終居常以待
終何不樂也太平御覽
五百九

太公任

太公任者陳人孔子圍陳七日不火食太公往弔之曰子
幾死乎夫直木先伐甘井先渴子其飾智以驚愚修身以
明汙昭昭如揭日月而行故汝不免於患也孰能削迹捐
勢不為功名者哉無責於人亦無責焉孔子曰善辭其交
遊巡於大澤八獸不亂羣而况人也太平御覽
五百九

聖賢高士傳贊卷中

魏中散大夫譙國嵇康叔夜著

延陵季子

長沮桀溺

荷蓀丈人

狂接輿

原憲

范蠡

亥唐

周豐

顏閻

市南宜僚

屠羊說

漢陰丈人

莊周

段干木

魯連

顏歛

閻邱先生

延陵季子

延陵季子名札吳王之子最少而賢使上國還會闔閭使專諸刺殺王僚致國於札札不受去之延陵終身不入吳國初適魯聽樂論衆國之風及過徐徐君欲其劍札心許之及還徐君已死即解帶挂樹而去太平御覽五百九

長沮桀溺

長沮桀溺者不知何許人也耦而耕孔子過之使子路問津焉長沮曰夫執輿者是誰子路曰是孔子是魯孔丘歟曰是也曰是知津矣問於桀溺桀溺曰子為誰曰仲由孔丘之徒歟對曰然曰與其從避人之士豈若從避世之士哉耰而不輟子路以告孔子孔子憮然曰鳥獸不可與同

校對官

寫官

京師圖書館

羣吾非斯人之徒歟

太平御覽五百九

荷蓀丈人

荷蓀丈人不知何許人也子路從而後問曰子見夫子乎丈人曰四體不勤五穀不分孰為夫子植其杖而耘子路行以告子曰隱者也使子路反見之至則行矣太平御覽五百九

狂接輿

狂接輿楚人也耕而食楚王聞其賢使使者持金百鎰聘之曰願先生治江南接輿笑而不應使者去其妻從市來曰門外車馬迹何深也接輿具告之妻曰許之手接輿曰貴富人之所欲子何惡之妻曰吾聞至人樂道不以貧易操不為富改行受人爵祿何以待之接輿曰吾不許也東

曰誠然不如去之夫負釜甌妻戴絰器變姓名莫知所之嘗見仲尼歌而過之曰鳳兮鳳兮何德之衰往者不可諫來者猶可追後更名陸通好養性在蜀峨嵋山上世世見之

皇甫士安高士傳曰陸通字接輿楚昭王政亂乃佯狂不仕故曰接輿也太平御覽五百九

原憲

贊曰原憲味道財寡義豐栖蓬華門安賤固窮絃歌自樂體逸心冲進應子貢邈有清風

嵇中散集

范蠡

范蠡者徐人也相越滅吳去之齊號鴟夷子治產數千萬去之爲陶朱公復累巨萬一日蠡事周師太公服飲桂水去越入海百餘年乃見於陶一旦棄資財賣藥於蘭陵世

校對官

寫官

京師圖書館

世見之

太平御覽五百九

亥唐

亥唐晉人也高恪寡素晉國憚之雖蔬食菜羹平王每為之欣飽公與亥唐坐有間亥唐出叔向入平公伸一足曰吾向時與亥子坐腓痛足痺不敢伸叔向勃然作色不悅平公曰子欲貴乎吾爵子子欲富乎吾祿子夫亥先生乃無欲也吾非正坐無以養之子何不悅哉

太平御覽五百九

周豐

周豐魯人也潛居自貴哀公執贄請見之豐辭使人問曰有虞氏未施信於民而民信夏后氏未施敬於民而民敬何施而得斯於民也對曰墟墓之間未施哀於民而民哀

宗廟社稷中未施敬於民而民敬殷人作誓而民始叛周人作會而民始疑苟無禮義忠信誠懇之心以蒞之雖固然結之民其可不解乎太平御覽五百九

顏閭

顏閭者魯人也魯君聞其賢以幣聘焉閭方服布衣自飲牛使者問曰此顏閭家耶曰然使者致幣閭曰恐誤聽而遺使者羞使者反復來求之閭乃鑿坏而遁太平御覽五百九

市南宜僚

市南宜僚楚人也姓熊白公為亂使石乞告之不從承之以劍而僚弄丸不輟魯侯問曰吾學先王之道勤而行之然不免於憂患何也僚曰君今能剝形洗心而遊無人之

校對官

寫官

京師圖書館

野則無憂矣太平御覽五百九

屠羊說

屠羊說者楚人隱於屠肆昭王失國說往從王王反國欲將賞說說曰大王失國說失屠羊大王反國說亦屠羊臣之爵祿已復矣又何賞之有王使司馬子綦延之以三珪之位說曰願長及屠羊之肆耳遂不受太平御覽五百九

漢陰丈人

漢陰丈人者楚人也子貢適楚見丈人為圃入井抱甕而灌用力甚多子貢曰有機於此後重前輕名曰橐桿用力寡而見功多丈人曰作色曰聞之吾師有機事者必有機心機心存於胸則純白不備子貢愕然慙不對有閒丈人曰

子奚為曰孔丘之徒也丈人曰子非博學以擬聖智獨絃歌以買聲名於天下者乎方且亡汝神氣墮汝形體何暇治天下乎子往矣勿妨吾事

太平御覽五百九

莊周

莊周少學老子梁惠王時為蒙縣漆園吏以卑賤不肯仕楚威王以百金聘周周方釣於濮水之上曰楚有龜死三千歲矣今中筍而藏之於廟堂之上此龜寧生而掉尾塗中耳子往矣吾方掉尾於塗中後齊宣王又以千金之幣迎周為相周曰子不見郊祭之犧牛乎衣以文繡食以芻菽及其牽入太廟欲為狐豚其可得乎遂終身不仕

藝文類聚

三十

校對官

寫官

京師圖書館

段干木

段干木者治清節遊西河守道不仕魏文侯就造其門干木踰牆而避之文侯以客禮出過其廬則式其僕問之文侯曰干木不趣勢隱處窮巷聲馳千里敢勿式乎文侯所以名過齊桓公者能尊段干木敬卜子夏友田子方也

藝文類聚三十六

魯連

魯連者齊人好奇偉倜儻嘗遊趙秦園邯鄲難新垣行以秦為帝秦軍為却一作連平原君欲封連連三辭不受平原君又置酒乃以千金為連壽連笑曰所貴於天下之有士者為人排患釋難而無取也即有取之是商賈之

事爾不敢忍為也及燕將守聊城田單攻之不能下連為書射城中遺燕將燕將見書泣三月乃自殺城降田單欲爵連連曰吾與於富貴而誣於人寧貧賤輕世而肆意遠隱居海上莫知所在藝文類聚三十六太平御覽五百十

顏歎

顏歎者齊人也宣王見之王曰歎前歎曰王前王不悅歎曰夫歎前為慕士王前為趨士王作色曰士貴乎歎曰昔秦攻齊令曰敢近柳下惠壟者罪死不赦有能得齊王者封萬戶由是觀之生王之頭不如死士之壟齊王曰願先生與寡人遊食太牢乘安車歎曰願得蔬食以當肉安步以當輿無罪以當貴清淨以自娛遂辭而去太平御覽五百十

校對官

寫官

京師圖書館

閔邱先生

閔邱先生齊人也宣王獵於杜山杜山父老十三人相與勞王王賜父老不祖父老皆謝先生獨不拜王曰少也復賜無徭役先生復獨不拜王曰父老幸勞之故答以二賜先生獨不拜何也閔邱曰聞王之來望一作得壽得富得貴於大王也王曰死生有命非寡人也倉廩備災無以富先生大官無關無以貴先生閔邱曰非所敢望願選良吏平法度則臣得壽矣賑之以時則臣得富矣今少敬長則臣得貴矣藝文類聚三十六太平御覽五百九

聖賢高士傳贊卷下

魏中散大夫譙國嵇康叔夜著

於陵仲子

田生

司馬季主

司馬相如

班嗣

韓福

安邱望之二則

蔣詡

逢貞

薛方

龔勝

王君公

孔休二則

向長禽慶

逢萌條房李雲王尊

井丹

鄭仲虞



國家圖書館, NATIONAL CENTRAL LIBRARY, TAIWAN, R.O.C.

臺佟

於陵仲子

於陵仲子齊人常歸省母人饋其兄鵠仲子嘖感曰惡用是鵠鵠者哉

太平御覽三百九十二

田生

田生管床茅屋不肯仕宦惠帝親自往不出屋

藝文類聚三十六

司馬季主

司馬季主者楚人也卜於長安漢文帝時宋忠賈誼為大中大夫誼曰吾聞聖人不居朝廷心在巫醫試觀卜數中見季主閒坐弟子侍而論陰陽之紀二人曰觀先生之狀聽先生之辭世未嘗見也尊官高位賢者所處何業之卑

校對官

寫官

京師圖書館

何行之汙季主笑曰觀大夫類有道術何言之陋夫相引以勢相導以利所謂賢者乃可為羞耳夫內無飢寒之類外無劫奪之憂處上而有敬居下而無害君子道也卜之為業所謂上德也鳳凰不以燕雀為羣公等喁喁何知長者二人忽忽不覺自失後不知季主所在

史記又載五百十

司馬相如

司馬相如者蜀郡成都人字長卿初為郎事景帝梁孝王來朝從遊說士鄒陽等相如說之因病免遊梁後過臨邛富人卓王孫女文君新寡好音相如以琴心挑之文君奔之俱歸成都後居貧至臨邛買酒舍文君當壚相如著犢鼻褌滌器市中為人口吃善屬文仕宦不慕高爵常託疾

不與公卿大事終於家其贊曰長卿慢世越禮自放擯鼻
居市不耻其狀託疾避官一作悲一作茂此卿相乃賦大人一作至任
人超然莫尚世說新語品藻篇註○
文選謝惠連秋懷詩注

班嗣

班嗣樓煩人也世在京師家有賜書內足於財父黨楊子
雲以下莫不造門好老莊之道不屑榮官桓君山從借莊
子嗣報曰若莊子者絕聖棄智修性保身清虛淡泊歸之
自然釣魚於一壑則萬物不干其志棲遲於一邱則天下
不易其樂今吾子聞仁義之羈絆係聲名之纏鎖伏孔氏
之軌跡一作躅一作馳顏閔之極藝既繫率於世教矣何以用大
道為自炫耀也昔有學步邯鄲者失其故步匍匐而歸耳

校對官

寫官

京師圖書館

恐以此類故不進也其行已持論如此遂終於家藝文類聚三十
六 太平御覽四
百十 五百十

韓福

韓福者以行義脩潔漢昭帝時以德行徵病不進元鳳元
年詔賜帛五十匹遣長吏時以存問常以八月賜羊酒不
幸死者賜複衾一祠以中牢自是至今為徵士之故事福
終身不任卒於家藝文類聚三十六

安邱望之

安邱望之字仲都京兆長陵人少持老子經恬淨不求進
宦號曰安邱丈人成帝聞欲見之望之辭不肯見為巫醫
於人間也後漢書耿弇傳注

長陵安邱生病篤弟子公沙都來省之與安共至於庭樹
下聞李香開目見雙赤李著枯枝自墮掌中安食之所苦
除盡太平御覽九百六十八

蔣詡

蔣詡字元卿杜陵人為兗州刺史王莽為宰衡詡奏事到
灞上稱病不進歸杜陵荆棘塞門舍中三徑終身不出時
人諺曰楚國二龔不如杜陵蔣翁太平御覽五百十

逢貞

逢貞字叔平杜陵人李邵公上郡人貞世二千石王莽辟
不至嘗為杜陵門下掾終身不窺長安城但閉門讀書未
嘗問政不過農田之事邵公王莽時辟地河西建武中竇

校對官

寫官

京師圖書館

融欲薦之固辭乃止家累百金優游自樂太平御覽五百六十一

薛方

薛方齊人養德不仕王莽安車迎方因謝曰堯舜在上下
有巢許今明王方欲隆唐虞之德亦由小臣欲守箕山之
志莽說其言遂終於家太平御覽五百十

龔勝

龔勝楚人王莽時遣使徵聘義不事二姓遂不食而死有
父老來弔甚哀既而曰嗟乎薰以香自燒膏以明自消龔
先生竟天天年非吾徒也趨而出終莫知其誰也太平御覽五百十

王君公

君公明易為郎數言事不用乃自汙與官婢通免歸詐狂
僧牛口無二價也後漢書逢

孔休

王莽徵孔休休飲血於使者前吐之為病篤遂不行太平御覽
七百四十三

孔休先嘗被人斫之至見王莽以其面有瘡瘢乃碎其玉
劍瑣與治之太平御覽七
百四十二

向長禽慶

向長字子平禽慶字子夏二人相善慶隱避不仕王莽長
通易老子安貧樂道好事者更饋遺輒受之自足還餘如
有不取也舉措必於中和司空王邑辟之連年乃欲薦之

校對官

寫官

京師圖書館

於莽固辭乃止遂求退讀易至損益卦喟然歎曰吾知富
貴不如貧賤未知存何如亡爾為子嫁娶畢初家事斷之
勿復相關當如我死矣是後肆意與同好遊五岳名山遂
不知所在藝文類聚三十六文
選謝靈運初去郡詩注

逢萌條房李雲王尊

逢萌條房李雲王尊同時相友世號之四子太平御覽
四百九

井丹

井丹字大春扶風郿人一作扶道人也博學高論京師為之語曰五
紛綸井大春未嘗書刺候謁一人北宮五王更請莫能致
新陽侯陰就使人要之不得已而行侯設麥飯葱菜以觀
其意丹推却曰以君侯能供美膳故來相過何謂如此乃

出盛饌侯起左右進輦丹笑曰聞桀紂駕人車此所謂人車者邪侯即去輦越騎梁松貴震朝廷請交丹丹不肯見後丹得時疾松自將醫視之病愈久之松失大男磊丹一往弔之時賓客滿廷丹表褐不完入門坐者皆悚望其顏色丹四向長揖前與松語客主禮畢後長揖徑坐莫得與語不肯為吏徑出後遂隱遁其贊曰丹高潔不慕榮貴抗節五王不交非類顯譏輦車左右失氣被褐長揖義陵羣萃

世說新語品藻篇注
太平御覽四百十

鄭仲虞

鄭仲虞不知何許人也不仕漢朝章帝自往終不肯起曰願陛下何惜不為上世君令臣得為偃息之民天子以尚

校對官

寫官

京師圖書館

書祿終其身世號之白衣尚書

藝文類聚三十六
太平御覽五百十

臺佟

刺史執棗栗之贄往

後漢書臺佟傳注

京師圖書館

世所傳皇甫謐高士傳明嘉靖間黃省曾刊本傳後有頌
即其手筆高士傳未見宋槧者想久經佚失當時省曾必
從太平御覽中鈔出故叔夜作亦錯雜其間兼取後漢書
逸民傳補綴成篇臆為刪增遂使真贋不分稽與皇甫氏
混而莫辨余數年前別有輯本雖非元晏原書尚可略見
廬山面目嘗檢藝文類聚人部隱逸門見有魏隸高士傳
數則編尋史志並無其書及繹其文詞核諸御覽所載多
同叔夜語始悟魏隸稽康字形相似因而致謠輾轉翻刻
反疑魏隸別是一人注書家往往引作故實昔人以校書
為難由今思之良非易事是書三國志注所記一百十九
人茲據見聞所及不得其半即史通所引董仲舒揚子雲

校對官

寫官

莊子楚辭二漁父事亦皆高士傳中語也至劉宋周續之注今無片言隻字流傳若非附入隋志竟有名氏翳如之歎卷分上中下者存隋唐二志之舊也

嘉慶戊寅冬十一月既望長洲周世敬子肅氏識

虞氏高士傳附錄虞醫佐

皇甫士安

朱沖

劉兆

伍朝

郭文舉

校對官

寫官

京師圖書館

玉海二則宋王應麟

魏志注嵇康撰錄上古以來聖賢隱逸遁心遺名者集為

傳自混沌至於管寧凡百一十有九人嵇康所贊缺一自擬

宋周續之傳以嵇康高士傳得出處之美因為之注

篇目考

魏徵隋書經籍志聖賢高士傳贊三卷嵇康撰周續之注○劉昫

舊唐書經籍志高士傳三卷嵇康撰○歐陽修新唐書藝文

志嵇康聖賢高士傳八卷○鄭樵通志藝文略聖賢高士

傳贊三卷嵇康撰

京師圖書館

虞氏高士傳

皇甫士安

晉 虞般佐 撰

皇甫士安少執冲素以耕稼為業專心好學每改服以行兼日而食得風痺或多勸修名士安答曰居畝畝之中亦可以樂克舜之道何必崇利勢而後為名乎詔以為太子中庶子著作郎並不應也

太平御覽五百十

朱冲

朱冲字巨容南安人少有德行閑靜寡欲好學而貧鄰牛犯種擔芻送牛牛主人大慙乃不復暴晉咸寧二年詔曰處士朱冲履行高潔經學修明徵為博士及太子中庶子

校對官

寫官

沖每聞徵書至輒逃入深山以免居近夷俗羗戎奉事若君也

太平御覽五百十

劉兆

劉兆字延世公府五辟三徵皆不就安貧樂道潛志述作數十年不出門凡事述十餘萬言

太平御覽五百十

伍朝

伍朝字世明好學該博顯命屢加不就鎮南將軍劉宏上請補零陵太守主者以非選竟不聽尚書郎胡濟言朝守靜衡門志道日新誠江南之良才邱園之逸老也且白衣為郡前漢有舊責於家食近代所崇事可行也朝竟不就卒於家

王隱晉書亦同也太平御覽五百十

校對官

寫官

京師圖書館

郭文舉

郭文舉河內軹縣人年十三有懷隱志每行山林旬日忘歸父母喪終辭家不娶入陸渾嵩山少室乃隱華陰之巖以觀石室之石函洛下將没步擔入吳興餘杭大辟山窮谷無人之地倚木於樹苦覆於上亦無壁鄣時多虎暴而文獨宿積十餘年恒著鹿皮裘葛巾司徒王公迎置果園中衆人問文曰飢而思食壯而思室自然之性先生安獨無情乎文曰情由意生意息則無情又問先生獨處窮山若疾病遭命終則為烏鳥所食願不酷乎文曰藏埋者亦為蟻螻所食復何異哉又曰狼虎害人先生獨不畏乎文曰人無害獸之心獸亦不害人耳居園七年逃歸餘杭

太平

校對官

寫官

京師圖書館

篇目考

隋書經籍志

高士傳二卷 虞槃佐撰

舊唐書經籍志

虞槃佐高士傳二卷

新唐書藝文志

虞槃佐高士傳二卷

通志藝文略

高士傳二卷 虞槃佐撰

焦氏經籍志

高士傳二卷 虞槃佐撰

三國志一則 魏書王粲傳注

喜為康傳曰家世儒學少有雋才曠邁不羣高亮任性不脩名譽寬簡有大量學不師授博洽多聞長而好老莊之業恬靜無欲性好服食常採御上藥善屬文論彈琴詠詩自足於懷抱之中以為神仙者稟之自然非積學所致至於導養得理以盡性命若安期彭祖之倫可以善求而得也著養生篇知自厚者所以喪其生所其求益者必失其性超然獨達遂放世事縱意於塵埃之表撰錄上古以來聖賢隱逸遁心遺名者集為傳贊自混沌至於管寧凡百一十有九人蓋求之於宇宙之內而發之乎千載之外者矣

校對官

寫官

故世人莫得而名焉

史通二則唐劉知幾

嵇康高士傳其所載者廣矣而顏回蘧瑗獨不見於書蓋以二子雖樂道遺榮安貧守志而拘忌名教未免流俗也正如董仲舒揚子雲亦鑽研四科驅馳六籍漸孔門之教義服魯國之儒風與此何殊而並可甄錄夫回瑗是棄而董揚獲升可謂識二五而不知十者也

康撰高士傳取莊子楚辭二漁父事合成一篇夫以園吏之寓言騷人之假說而實為實錄斯已謬矣况此二漁父者校年則前後別時論地則南北殊壤而輒并之為一豈非惑哉

校對官

寫官